

不離世間的覺悟之行

六祖壇經：佛法在世間，不離世間覺，離世覓菩提，恰如求兔角。
學佛的一般常見的錯誤觀念與作為
一味尋求保佑庇護，卻不知救護原理
包括念佛求生淨土不知厭離世間的現實性
照見五蘊皆空
諸惡莫作眾善奉行自淨其意是諸佛教
了解何謂善(順向覺)何謂惡(順向迷)，善惡於人有何影響

《雜阿含經》卷 12：「世尊告諸比丘：『我憶宿命未成正覺時，獨一靜處，專精禪思，作是念：『何法有故老死有？何法緣故老死有？』即正思惟，生如實無間等，生有故老死有，生緣故老死有。如有有、取、愛、受、觸、六入處、名色。何法有故名色有？何法緣故名色有？即正思惟，如實無間等生，識有故名色有，識緣故有名色有。我作是思惟時，齊識而還不能過彼，謂緣識名色，緣名色六入處，緣六入處觸，緣觸受，緣受愛，緣愛取，緣取有，緣有生，緣生老、病、死、憂、悲、惱、苦。如是如是純大苦聚集。

「我時作是念：『何法無故則老死無？何法滅故老死滅？』即正思惟，生如實無間等，生無故老死無，生滅故老死滅，如是生、有、取、愛、受、觸、六入處、名色、識、行……」廣說。

「我復作是思惟：『何法無故行無？何法滅故行滅？』即正思惟，如實無間等，無明無故行無，無明滅故行滅，行滅故識滅，識滅故名色滅，名色滅故六入處滅，六入處滅故觸滅，觸滅故受滅，受滅故愛滅，愛滅故取滅，取滅故有滅，有滅故生滅，生滅故老、病、死、憂、悲、惱、苦滅，如是如是純大苦聚滅。

「我時作是念：『我得古仙人道、古仙人逕、古仙人道跡，古仙人從此跡去，我今隨去

《大般若波羅蜜多經(第 401 卷-第 600 卷)》卷 560〈真如品 12〉：
「復次，善現！一切如來、應、正等覺皆依般若波羅蜜多，如實證知無量無數無邊有情若出若沒，謂如實知諸所有色、受、想、行、識皆如真如無二無別。善現當知！如來真如即五蘊真如，五蘊真如即世間真如，世間真如即一切法真如，一切法真如即預流果真如，預流果真如即一來果真如，一來果真如即不還果真如，不還果真如即阿羅漢果真如，阿羅漢果真如即獨覺菩提真如，獨覺菩提真如即一切菩薩摩訶薩行真如，一切菩薩摩訶薩行真如即諸佛無上正等菩提真如，諸佛

無上正等菩提真如即一切如來、應、正等覺真如，一切如來、應、正等覺真如即一切有情真如。善現當知！如是真如皆不相離，非一、非異、無盡、無二亦無二分、不可分別。」

《佛說法集經》卷1：「善男子！云何為離彼事說般涅槃唯是言辭？善男子！第一義中無彼涅槃。涅槃者，知世間寂滅名為涅槃，而非即世間名為涅槃，亦不離世間而有涅槃。世間者，如夢、如幻，非有、非無、亦非有無。而是有法如是非有、非無、亦非有無，如是名生；如是非有、非無、亦非有無，如是名滅。而寂滅一切世間相，名為涅槃。如是，想如陽焰、受如泡沫。如彼陽焰、泡沫，生、滅不實，世間涅槃亦復如是，是故說世間涅槃唯是言辭。」

《中論》卷4〈觀如來品22〉：「

如來所有性 即是世間性

如來無有性 世間亦無性

此品中思惟推求。如來性即是一切世間性。問曰。何等是如來性。答曰。如來無有性。同世間無性。」

《佛性海藏智慧解脫破心相經》卷1：「

世間與出世 二世本無別 世間在世間 不識於世間
唯有出世間 乃能別世間。

雖出於世間 亦不離世間 俱在於世間 不行世間道

所以俱世間 欲度世間人 若不入世間 無以出世間

若行世間時亦無世間心 故能入世間 同行世間行

能出於世間 故能入世間 不能入世間 不名出世人

世間行世間 不能出世間 常行在世間 故名世間人

世間行世間 不知是世間 貪著世間行 故不出世間

菩薩行世間 了知世間相 世間虛空相 虛空亦無相

是故俱世間 不壞世間法 雖入行世間 如華不著水」